

中國方志叢書·華中地方·第五四〇號

據

清·戴明琮纂輯  
清康熙二十六年刊本

影印

浙江省

# 明州岳林寺志

(全)

成文出版社有限公司印行



\*10101707\*

中華民國七十二年三月臺一版

明州岳林寺志

全一冊

發行人：黃

成

助

台北郵政信箱二二六〇五號  
出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一一四三號



序

卷之九

按浙省志書明州著三佛地其一爲彌勒道場  
世所傳長汀子恒攜布袋自隨游行度世遺蹟  
卽奉化縣勅建岳林寺是也寺創唐大中自僖  
宗朝迄今約八百餘載其間興壞屢更而封山  
一片石香火巍然獨存雖販夫村婦無不知有  
活佛隱身處敬禮之恐後噫嘻何其神哉  
下無二道聖人無兩心三教

莫爲之前雖美弗彰莫爲之後雖盛不傳嗣法  
之隆替亦難言矣丁卯夏季余以放廢落於江  
湖間遇楷公和尚於岳林晤對經旬相視莫逆  
其後長汀而振法者非斯人而誰歟奉邑土瘠  
民貧俗儉朴康熙初寺僧因逋糧他徙以故寮  
舍盡傾殿閣皆置瓦礫中楷公杖錫來此出其  
法力悉舉而新之耳目改觀時邑中士大夫及  
鄉里父老無不以是爲楷公頌而余之所以頌

楷公者固不在是方今世教波靡人心陷溺彼  
金玉其外敗絮其中者未嘗不卓然自命主持  
法輪求其能澹樸真如實證無相成已兼成物  
者蓋亦罕矣以余觀楷公於書無所不窺於事  
無所不歷於心無所不空於世無所不度固將  
矯斯世之積弊以振聾發聵廉頑立懦此雙林  
大士亦當爲額首稱道歡喜接引者也余獨訝  
彌勒世尊示現塵寰雖酒壚屠肆其隨口指授

皆法印心宗乃誠信皈依者僅得蔣摩訶一人  
足徵耳食者多慧眼正復不易余性根久錮今  
得謝棄一切與楷公參究大事因緣且獲瞻依  
法像頂禮定應寶塔則又余之私幸也夫戴子  
葺志成遂書此以爲序

康熙二十有六年歲次丁卯六月望日澹雪居

士顧岱止菴撰



岳林寺志序

剡上以彈丸小邑僻處海隅其俗儉陋  
而民淳無錦繡珠玉之飾泉刀泉布魚  
鹽之饒無園林陂池臺榭爲燕樂之所  
無琳宮貝宇極金碧莊嚴之觀正如子  
瞻在儋州時大率皆無耳予才識闇淺

竊幸茲土僻簡可安吾拙兩年來公庭  
閒寂吏抱文牘判紙尾外無他事然亦  
鹿鹿無寧時聞雪竇山水奇秀爲東南  
絕勝思一登其巔而未有暇也東郊外  
距城三里有岳林寺長吏迎春講社歲  
一至再至焉予見其殿閣嗟峨左右禪

房歷歷備具雖悃悞無華而花竹暢茂  
差可游息顧謂諸父老曰此奉邑之所  
絕無者而何以有是哉或告之曰是唐  
大中時勅建布帛老人顯化處鞠爲茂  
草久矣近庀材而更新之惟和尚楷菴  
是賴楷公曰山衲何功之有實藉雲間

諸檀那廣種福果前邑侯曹公護持之  
力居多予不覺瞿然曰是何言之謙而  
避之深也凡物之成壞有數而興廢在  
人若非道力超羣法緣幅湊曷由致是  
越一年丁卯楷菴手一編示予曰岳林  
舊無志書今寺已落成法鼓復振恐湮

沒無攷不得有傳於後是以璧城志之  
請予文弁其首予曰可哉子之遠慮也  
今上振興文教命諸儒臣纂輯一統志海  
內名山古刹俱搜採編入岳林彌勒道  
場爲四明法窟則寺志誠不可少况予  
同鄉賢士大夫好善樂施前輩曹公教

養元元共成不朽盛事楷菴經營有年  
手口卒茶誠孚遐邇非衲子時輩所可  
及則昔日所無不妨爲今之所有是皆  
不可以不記也於是乎書

錫山施剗會省園氏題



明州岳林寺志

目錄

卷一 寺圖 梵宇


卷二 名勝 古蹟

卷三 法產 法系

卷四 藝文 序記傳

卷五 詩賦 請啟募疏附

卷六 名釋 塔銘



敕賜大中  
岳林禪寺

岳林

